

## Juako Malavirgen – No sé de qué, pero sé que me sueñas

Siempre he estau bien malo pa as caras d'a chent  
No m'acuerdo de qué me sueñas, ni si te clamas Rosa u Vicent  
Per mas que l'intento, agora no i doi... de qué te conoixco?  
Nomás sé que no ye d'o chimnasio, ni d'un concierto d'Antonio Orozco

Talment si t'escuito me digas qualcosa... que me dé bella pista  
Si charras d'impuestos serás o chestor, de pietz o mío callista  
Si comentas que un cabo semana estemos fendo l'amor como bucardos  
Alavez, lo mas seguro ye que m'haigas trafucau con atro

Y o caso ye que me sueñas... o caso ye que me sueñas  
O caso ye que no sé de qué, pero sé que me sueñas

Y te pregunto: "Bueno, qué fas? Qué te cuentas? Án vas a treballar?"  
Pero no escuitas. Me tallas y sigues sacando a luenga a ixoriar.  
Habría de tallar agora esta situación tant fiera  
Que, anque levo una hora fendo veyer que sé de tu, no en tiengo ni puta ideya

Pero me clavás un beso en os morros quan nos despedimos  
A lo menos ya sé que tu y yo no somos chirmans, como muito primos.  
Y a despedida s'alarga y remata en casa mía quan te saco o chustillo  
Y yo sin saber encara cuál ye o tuyo nombre... per si a un caso te clamo carinyo

Y o caso ye que me sueñas, o caso ye que me sueñas  
O caso ye que no sé de qué, pero sé que me sueñas.

Y un anyo dimpués sigues en casa mía, pero no sé qui yes encara  
Alterno carinyo con bonica, nina, cielo, reina y mesacha  
Sé menos d'o tuyo pasau que de l'alfabeto etrusco  
Pensé en solicitar-te amístat en Facebook, pero no sé a qui busco

Y si no te cuento a verdat, ye porque empecipio a temer  
Que talment o motivo de que me sueñes tanto siga porque yes a mía muller.  
Ufff... la que m'iba a cayer... la que m'iba a cayer...

**Letra y musica:** Juako Malavirgen  
**Guitarra y voz:** Juako Malavirgen  
**Producción, gravación y mescla:** Roberto Montañés  
**Estudio:** Luco de Xiloca  
**Traducción:** Cherardo Callejón  
**Revisión:** Juan Pablo Martínez



**O Zager Chilo IV**  
Asociación Cultural Nogará – Religada

